

DOWLAD GOBOLEEDKA JUBBALAND EE SOOMAALIYA



QOONDAHA MIISAANIYADDA 2023-KA

TIRSI 001

HALKU-DHIGGA SANNADKAN 2023-KA

*Dhisidda adkeysi maxalli ah Iyo abuuridda dhaqan
adeeq Bixin"*



Contents

QAYBTA KOOWAAD GUUD AHAAN.....	3
Cinwaan Gaaban.....	3
1.1 Qeexiid.....	3
1.2 Wadarta Miisaaniyadda La Qoondeeyey	4
1. QAYBTA LABAAD	4
2.1 Awoodaha Xafiisyada Dowladda ee Maamulka Jubbaland	4
2.2 Kharashaadka Waxaa Xaddidaya Dakhliga.....	4
2.3 Wax Ka badelka Miisaaniyad la ansixiyay.....	5
2.5 Kharashka Keydka- lama filaanka ah	5
2.6 Miisaaniyadda Kabista.....	5
2.7 Gashibaxa/Qaan Bax	6
3. QAYBTA SEDEXAAD	6
KHARASH BIXIN	6
3.1 Mudnaanta Kharash Bixinta	6
3.2 Xareynta Dakhliga.....	6
3.3 Lacagta Laga Bixiyo Miisaaniyadda Duuduubka.....	6
3.4 Xaddiga kharash Bixinta	7
3.5 Gedab	7
3.6 Lacag Bixinta Agabka iyo Adeegga	7
3.7 Dib-ubixinta Deymaha dowlada	8
3.8 Lacagta aan la Istic-maalil	8
3.9 Warbixin Xisaabeedka	8
4. QEYBTA 4	8
4.1 MUDDADA DHAQAN-GALKA	8
QEYBTA 5AAD	9
Annex 1: Xeerka Qoondeymaha Lr 1, 2023 Jadwalka 1	9
Annex 2: MIISAANIYAD SANADEEDKA SANADLAHA IYO WARBIXINTA DIB U -NOQOSHADA DHAB AH EE LA - XISAABIYEY JSS ILLA 31 -KA DISEEMBAR 2021	35
Annex 3: MIISAANIYADDA SANNADLAHA AH EE SANNADKAN IYO WARBIXINTA WAXQABADKA AH EE JUBBALAND ..	38



XEERKA DHAQANGELINTA MIISAANIYADDA SANADKA 2023 ka EE DOWLAD GOBOLEEDKA JUBBALAND

Maadaama, uu qeexayo Dastuurka Dowlad goboleedka Jubbaland ee Soomaliya in uu Golaha sharci dajintu ansixyo, dhaqan galiyana miisaaniyadda Sanadlahaa ah.

Maadaama, ay tahay lagama maarmaan in la ansixyo, lana qaybiyo Miisaaniyadda Dowladda goboleedka Jubbaland ee Soomaaliya si ay ugu fuliso hawlaheeda sanad xisaabeedka 2023 ka.

Haddaba, iyadoo laga duulayo qodobka 39 faqradiisa (4) aad ee Dastuurka Dowlad goboleedka Jubbaland ee Soomaaliya, ayaa Golaha barlamaanka ansixinayaan Miisaaniyadda sanadka 2023-ka ee faahfaahinteedu ku lifaaqan tahay halkan iyo xeerka dhaqangelinta Miisaaniyadda ee qodobadiisu hoos ku taxan yihiin: -

QAYBTA KOOWAAD GUUD AHAAN

Cinwaan Gaaban

Keerkani waxaa uu magaciisu yahay "Xeerka Qoondeynta Lr 1, 2023" waxaana uu dhaqangeliya taariikhda la saxiixo.

1.1 Qeexiid

Haddii aan si kale loogu fasirin xeerkan dhexdiisa, ereyada soo socda waxay yeelanayaan macnaha mid walba ku hor qeexan: -

1. "Sanduuqa Maaliyadda Mideysan" waxaa loola jeedaa sanduuqa ay ku mideysanyihiin dhammaan dakhliyada Dowlad Goboleedka Jubbaland, waxaana loo adeegsadaa in lagabixiyo lacagaha, sida kuqeexan;
2. "Ansixin" waxaa loo la jeedaa ayidaadda uu ayido wasiirku, Miisaaniyadda ku diyaarsan walax kharasheedka qaab wafaqsan qoondo Miisaaniyadeedka uu Golaha sharci dajintu sameeyey.
3. "Gedab "waxaa loo la jeedaa waajibaadka noqonaya qaan hadiiba ama marka shuruudaha heshiis jiray ama sharci la fuliyo.
4. Golaha Shacabka Jubbaland" waxaa loola jeedaa aqalka keliya ee sharci-dejinta dolwad-goboleedka Jubbaland waxaana uu ka kooban yahay baarlamaanka iyo saraakiisha kale ee Ka howl gala aqalka barlamaanka.
5. "Wasiir ama Wasaarad" waxaa loola jeedaa Wasiirka Maaliyadda Dowlad -goboleedka Jubbaland ama Wasaaradda Maaliyadda ee Dowlad -goboleedka Jubbaland ee Soomaaliya siday u kala horreyaan;
6. "Miisaaniyadda Kabka" waxaa loola jeedaa Xeer kasta, oo ujeeddadiisu tahay in lagu kabo qoondaynta uu hore u siiyay Xeerka Qoondaynta Miisaaniyadda;

7. "Treasury Single Account (TSA)" waxaa loola jeedaa qaab dhismeed mideysan oo ka mid ah xisaabaadka bangiyada dowladda kaas oo siinaya aragti isku dhafan ilaha lacagta caddaanka ah ee dowladda. Iyada oo ku saleysan mabda'a midnimada lacagta caddaanka ah iyo midnimada khasnadda, TSA waa koonto bangi ama akoonno isku xiran oo ay dowladdu ku wareejiso dhammaan rasiidhada iyo lacag -bixinta.

1.2 Wadarta Miisaaniyadda La Qoondeeyey

Miisaaniyadda Dowlad Goboleedka Jubbaland ee Soomaaliya ayaa si ay u meel-mariso hawlahu u qorshaysan Sanad misaaniyadeedka ka billaabma 1-da Janaayo 2023-ka kuna dhamaada 31, December 2023-ka, ayaa sida hoos ku xusan looga qoondeeyay dakhliga khasnadda iyo lacagaha kale ee Dowladda, sida lagu qeexay jadwalkan. Wadarta Miisaaniyadda ee loo qoondeeyey Miisaaniyadda Joogtada ee dakhliga gudaha iyo tan Raasumaalka ah ee mashaariicda ayaa ah sidan hoos ku xusan: -

B) Kharashka Joogtada ah ee dakhliga gudaha US\$ 32,963,863.45

T) Kharashka Raasumaalka ah ee Mashaariicda US\$ 13,500,878.53

Wadarta Guud Ee Miisaaniyadda US\$ 46,464,741.98

1. QAYBTA LABAAD

MAAMULKA MIISAANIYADDA

2.1 Awoodaha Xafiisyada Dowladda ee Maamulka Jubbaland

1. Wasiirka maaliyadda waxaa loo Awood siiyay in uu fasaxo una qaybiyo dakhliga Dowladda Jubbaland iyo lacagaha kaleba, cadadka halkan loogu qoondeeyay xafiisyadooda marka ay soo codsadaan mas'uuliyiinta xafiisyada Dowladda maamulka Jubbaland ee ay khusayso, si ay hawlahooda ugu fushadaan.
2. Xafiisyada Dowladda ee kharash bixinta waxaa loo awood siiyay in ay diwaan-galiyaan ciwaanka Miisaaniyadda la qoondeeyey, farac ciwaanka, mashruuca ama barnaamijyada xafiisyada, kolba kuu yahay. Waana inuu talaabada lagama-maarmaanka ah ka qaataa adeegsiga kharashaadka dowlada si wanagsan miisaaniyadda la ansixiyay ayadoo ay u adeegsanayaan si wax ku ool ah oo sharciga waa faqsan.

2.2 Kharashaadka Waxaa Xaddidaya Dakhliga

Waaxda Khasnaddu waa in ay bixisaa maaliyado ama lacago la kharash-gareeyo oo ku Jaan go'an dakhliga ama APPROPRIATION



iiaha kale ee maaliyadeed ee Xisaabaadka Khasnadda Dowlad Goboleedka Jubbaland – ee Miisaaniyadda Caadiga ah.

2.3 Wax Ka badelka Miisaaniyad la ansixiyay

1. Miisaaniyadda Joogtada ah ee la ansaxiyey Khasnajigu waxaa uu qadarada/tirooyinka lacagaha la ansaxiyey u kala wareejin karaa qaybaha miisaaniyadda ee Wasaaradd ama Wakaalad/ama Hay'ad Leedahay ee kujirta Jadwalka 1^{aad} ee Xeerkhan, waa marka dib-u-qoondeyntu aaney kabadneyn, wadar ahaan, 10% qaybta wax laga qaadayo. Lacagaha loo kala wareejinayo Wasaaradaha lama oggolaanayo iyada oo aanan wax ka beddel lagu sameynin Jadwalka iyada oo loo marayo talaabooyin Qoondeymo Dheeri ah.
2. Sharciyada sare waxaa laga soo reebay mashaariicda ay deeq bixiyaashu maalgaliyaan.. Iyada oo oggolaansho ay horey u wada gaareen deeq bixiyaha iyo Khasnajiga ee u kala wareejinta madaxyada iyo Wasaaradaha dhaxdooda ah ee tirada/boqolayda loo cayimay, taas oo aan lagu dabakheynin xaddidaadaha kor lagu xusey

2.4 Xadidaadaha Kharashaadka

1. Iyada oo la raacayo Qaybta 22aad ee Wareegtada Maareynta Maamulka Maaliyadda ee 2022, marka laga reebo hawlgalada ku-meelgaarka ah ee maareynta lacagaha khasnadda, iyo kuwa waafaqsan xeerar kaguud, waa in aan lacag laga bixin Sanduuqa Maaliyadda Mideysan marka laga reebo shey lagu aqoonsadey qiyaasaha miisaaniyad-sanadeedda ee ku yaalla Jadwalka 1aad, oo hadba wax loogaga beddelayo u kala-wareejinta lacagaha miisaaniyadda dhexdeeda iyo/ama lagu soo saaro Wareegto Qoondeymo Dheeri ah.
2. Xakameyntan ma qabanayso deeqaha aan la sii saadaalin ama laga helo Dowlada federalka ee lagu soo shubo qasnada midaysan, ujeedo gaar ahna loogu tala galay. Hadii ujeedadaas aan horay loogu darin shaxda golaha Baarlamaanka ansixiyey lacag udhiganta inta deeqbixiyahu soo shubay ayaa qoondo loo samayn madaxyo cusubna loo abuuri si kharashkaas loo bixiyo.

2.5 Kharashka Keydka- lama filaanka ah

Kharashka kaydka lama filaanka waxaa keliya oo loo isticmaali karaa xaalad degdeg ah sida fatahaado, abaaro, cuduro dilaacay ama kharashaad kale aan muuqan kolkii miisaaniyadda la diyaarinayey iyo IWM, looma isticmaali karo baahida kharashka caadiga ah ee xafiisyada Dowladda Iyadoo la tixraacayo Qaybta 14 ee Xeerkha Maareynta Maaliyadda Dadweynaha ee 2017 ee qoondaynta ku -meel -gaadhka ahi waxay dabooli kartaa kharashyada degdegga ah iyo kuwa lama -filaanka ah ee ka yimaadda xaaladaha degdegga ah ee lacag -bixinta aan dib loo dhigi karin illaa laga meel -mariyo miisaaniyad dhammaystiran ama Miisaaniyadda Sannadka ee soo socota oo isku - dhafan iyada oo aan si dhab ah loo saamayn danta guud.

2.6 Miisaaniyadda Kabista

Golaha sharci dajintu isagoo ka duulaya tala bixinta golaha fulinta ayuu meel mariyaa Miisaaniyadda kabista ah.



2.7 Gashibaxa/Qaan Bax

Dib -u -bixinta deymaha dib -u -dhaca ku yimid bixintooda iyo dib -u -bixinta qarashaadka la galay muddada sannad -maaliyadeedka kahor dhammaadka sannad -maaliyadeedkaas waa in lagu daraa kaydka deymaha baaqday oo loo qorsheeyay dib -u -bixintooda sannad -maaliyadeedka xiga. Wasiirka waxaa loo oggol yahay inuu baaro dhammaan sheegashooyinka dib -u -dhaca ku yimid sidoo kalena go'aamiyo sharci ahaanshahooda ka hor bixintooda.

3. QAYBTA SEDEXAAD

KHARASH BIXIN

3.1 Mudnaanta Kharash Bixinta

1. Haddii ay timaado hoos u dhac dhanka dakhliga ama deeqaha wasaadaraduna fulin weyso dhamaan kharashaadki loogu talagalay Miisaaniyadda sanadka 2023-ka, waxaa mudnaanta bixinta kharashka loo raacayaa sida ay u kala horreyaan ee hoos taxan.

1. Raashinka iyo Gunnooyinka Ciidamada qalabka sida
2. Khidmadaha Maaliyaddu ku shaqeyso (sida Khidmadda Banka)
3. Mushaarooyinka/gunnooyinka Shaqaalaha Rayidka ah
4. Gunnada Xildhibaanada iyo G/Wasiirada
5. Adeegga iyo Agabka Xafiisyada Dowladda iyo gobolbada
6. Gashibaxa Alaabta iyo Qaamaha la hormarsaday

2. Haddii hoos -u -dhac ku yimaado miisaaniyadeed lagu soo bandhigo Hindise Shariyeedkan, qaddarrada kharashyada hoos u dhigma u dhigma oo dheeri ah ayaa la ansixinayaa iyada oo la filaayo in ilo dakhli oo dheeraad ah la aqoonsado isla sannad -maaliyadeedkaas . Kharashaadka waxaa loo quondeeyey shuruud ku xiran gaabinta (deficit) la aqoonsaday. Haddii ay dhacdo wax -ka -dhimis (hoos u dhac) shuruudaha Qodabka 3.1.1 ayaa lagu dabaqi doonaa si loo hubiyo miisaaniyad dheelitiran.

3.2 Xareynta Dakhliga

Dhakhliga iyo Deeqaah Dowladda Goboleedka Jubbaland hesho waa in la dhigaa Khasnadda Mideysan ee bangiyadda gaarka ah ee Dowladda 24 saacadood gudahooda oo ka bilaabanaysa marka la qabtay, haddii aysan ku soo aadin maalin aan la shaqaynaynin oo leh tixgelinteeda waqtii.

3.3 Lacagta Laga Bixiyo Miisaaniyadda Duuduubka

1. Iyada oo aanu golaha sharci dajintu ogolaan, wax kharash ah lagama bixin karo Miisaaniyadda duuduubka ah.
2. Lagama gali karo kharash ama gedab Miisaaniyadda la ansixiyey, ka hor inta aanu ansixin ama



qoondayn wasiirku.

3. Dhamaan bixinta qorsheysan waa in ay si toos ah oga baxdaa khasnadda dhexe una aadaa qaansheegatada ayadoo mareyn hay'adaha adeegga ama agabka la siiyey.
4. Dhamaan qabashada iyo bixinta lacageed ee miisaaniyadda waa in ay martaa hab- xisaabeedka dowladda (FMIS) si elektronik ah, ka dibna la waafajiyaa warbixin xisaabeedka xisaabta dowlada ee Bangiga gaarka loo leeyahay.
5. Dhamaan bixinta qaansheegatada iyo qandarasleyaasha waa in ay martaa barnaamij xisaabeedka dowladda (FMIS), lagana bixiyaa madax iyo madax-xigeenada ku haboon ee khasnadda dhexe ee dawladda si toos ah uu u qaato qofka iyo shirkadda qaansheegtada ah.

3.4 Xaddiga kharash Bixinta

Ma jирто hay'ad kharash gareyn karta sanadka gudihiisa, wax ka badan qoondada loogu qoondeeyey xeerkan ee sanadka guduhiis.

3.5 Gedab

1. Wax gedab ah lagama gali karo qoondaha, kaliya inuu soo codsado Mas'uulka xafiiska Dowladda ama cid uu qoraal ku wakiishay mooyee.
2. Madax kasta oo xafiis dawladeed magali karo heeshiis ama nidaam kale oo uu baahan kharash, kaliya marka ay jирто hadhaa aan qaan ahayn oo ku filan in ay dabooshoo deynta lagali doono sanad miisaaniyadeedka 2023
3. Wasaaraddu waxay aasaasi doontaa habraaca la raaco iyo hab diwaaneed qoraya dabagalka gedebka maaliyadeed ee walax miisaaniyadeed kasta.
4. Madaxa xafiiska dawladdu wuxuu yeellan doonaa diiwaanno lagu hubiyo gedabyada maaliyadeed ee walax kharasheed kasta habka uu u xeeriyyey wasiirku.

3.6 Lacag Bixinta Agabka iyo Adeegga

1. Ka sokow foojarada kale ama cadaymaha loo bahan yahay, Xafiis kasta oo dawladeed ma bixin karo lacag illaa uu xaqijiyo ama hubiyo madaxa xafiisku ama cidda kale ee uu madaxa xafiisku u xil saaray.
 - A. Marka lacag bixintu tahay mid la xidhiidha hawl u baahan in la qabto, Allaab keenid ama addeeg.
 - I. Waa in ay tahay shaqada laqabtay, allaabta la keenay ama adeegga la bixiyay & qiimaha la saaray mid waafaqsan heeshiiska ama haddii ayna heshiiska ku caddayn noqdaa mid macquul ah.
 - II. Waa in ay noqoto mid-waafaqsan shuruudaha heeshiiska kharash bixintu, ka hor inta aan la dhammaystirin shaqada, aan la soo xarayn allaabta ama la helin adeegga
 - III. Waa in ay ahaato kharash bixinta mashaariicdu mid waafaqsan nidaamka iyo awaamiirta u deggan Wasaaradda, islamarkaana mac-quul ah oo sugaray: Ama



deggan Wasaaradda, islamarkaana mac-quul ah oo sugar: Ama

- B. Lacagta kharash kasta oo kale waa in ay ahaato mid uu lacag-qaatuhu xaq u- leeyahay, qaadashada lacagta uu qaatay.
2. Wasaaraddu waxay soo saari kartaa nidaam lagu xaqijinayo ama hubbinayo xaqiqda cadaymaha uu u baahan yahay qodobkani.

3.7 Dib-ubixinta Deymaha dowlada

1. Wasiirka waxaa loo oggol yahay inuu dib u bixiyo deymaha dowlada si waafaqsan heshiisyada amaalha.

3.8 Lacagta aan la Istic-maalin

2. Iyadoo lagu xeerin doono wareegtooyin ay wasaaraddu soo saarto ayaa waxaa lagu celin khasnada dhexe hadhaaga Miisaaniyadda la qoondeeyey ee sanad Miisaaniyadeedku ka dhacay, aan la istic-maalina.

3.9 Warbixin Xisaabeedka

Warbixinta Miisaaniyadda ayaa si bille iyo rubac sanadle ah lagu daabici doonaa website-ka Wasaaradda, xilliga kama danbeysta ah ee bilkasta loo baahan yahay ee sida ku xusan sharciga maamulka iyo maaliyadda ee dowlada Jubbaland iyo Xeer hoosaadyada la xiriira.

4. QEYBTA 4


QOONDAHA MIISAANIYADDA

4.1 MUDDADA DHAQAN-GALKA

Xeerkan wuxuu dhaqangalayaa Marka Golaha barlamaamka Jubbaland ansixiyo, uuna saxiixo Gudoomiyaha Gudoomiyaha Golaha Wakiladda Dowlad Goboleedka Jubbaland ee Somalia

Waxaan saxiixay oo aan shaanbadeeyey Maanta oo aay taarikhdu tahay : 3 December

malinta



Bisha

December

2022

Saxiixay:

Mudane: **Abdi Mohamed Abdirahman.**

Gudoomiyaga Golaha Wakiladda Jubbaland

Dowlad-Goboleedka Jubbaland